



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一四〇

紺寒亭詩集十卷紺寒亭文集四卷 趙 俞 撰

一

涉園文集四卷涉園詩集不分卷 譚紹琬 撰

二二五

澄江集七卷 陸次雲 撰

五二七

黃湄詩選十卷 王又旦 撰

五六五

悔齋集六卷山聞詩一卷山聞續集一卷京華詩一卷觀海集一卷 汪 楫 撰

六四三

嘉定趙蒙泉著

紺寒亭詩文集

本衙藏板

紺寒亭詩集

嘉定趙文饒成進士需次家居赴師友之難彼吏牽染幾殆既事白留京師其同年友唐東江儀部招與同舍去余寓咫尺於是余三人者常相過從論詩無所不盡要自不與外人同趙于幼攻詩晚乃盡汰其少作獨存近年詩凡數種名紺寒集屬余論定趙子之學廣博與衍於古人無所不研究尤得力於老杜而兼綜韓白蘇諸家其大放於詞氣渾以醇溢爲奇怪如顏文籀篆三代之敦彝恣突如崩堤勁健如屈鐵一言以蔽之曰古而已或謂趙子近體大半多妍美不可以古概之余曰夫深山之大木百圍輪囷轉轉狀若神鬼春至發生滋榮繁花彩鶯掩映風日凡草木之麗者不能過也如此

姜序

可謂之非古乎疑者乃服然趙子詩愈古身愈困彼爭新競艷於字句之間者灑然自得趙子矜貴不輕以示人過而不問者相輩也豈古文直無用於今世然京師及四方鉅公宿老一見其作皆驚詫竊歎以爲古人復出不是過或鈔錄其全本以去一時奉使出牧錢送投贈以得其詩爲榮趙子幸自愛古學其終不可泯也詩之爲道源同派別隨時宗尚互有廢興趙子學古自得於心不逐時尚波靡其久而不敝無疑也然趙子不困阨詩亦不能深造如此則天之窮之者正天之所以昌其詩也哉康熙甲戌陽月慈谿姜宸英序

古之詩人孰有過杜少陵者乎人之稱詩者孰不知以少陵氏爲宗者乎然而學之者恒鮮學焉而近之者又加鮮何也王介甫曰詩其難惟有甫哉蓋人之才力各有能有不能稟於天者既有分限而極其所造亦如是焉而止不可強也譬之水焉沼沚也江河也易沼沚而江河不可也譬之山焉丘陵也岱華也易丘陵而岱華不可也人亦自度其所能至者而已子美之亡千有餘年所號爲詩人者何代蔑有求其一近似者而不可得明初有袁凱景文氏最以學杜名自李獻吉何仲默錢牧齋程孟陽諸人皆亟稱之以爲能近杜以余觀之亦特仿像于音響節奏之間耳至杜之函蓋百家光

紺寒亭詩集

酸萬丈者能望其氣象乎感時觸事無非忠愛變化闢闊法律彌精者能窮其旨趣乎以景文擬杜正如具孫叔敖之衣冠而效其抵掌談語猶懼不能盡得之而況有深于是者耶吾邑趙先生蒙泉幼習爲詩見者驚其才傑已而稍稍奪於舉子業既成進士乃肆力焉數年之中若水涌而出不容以抑遏其沉雄浩博怪奇偉麗千變萬狀乍合乍離而又精之以陶鍊疏之以脉絡推其意直欲如介甫所謂至乎杜而後爲詩者先是禍發於師友牽連困辱屢瀕于危視杜之流離瑣尾幾亦無異用是益激發其魂磊磨礪其志節磅礴蜿蜒於行墨間尤不可以控搏而測識先生之詩遂以大成出而

與通都大邑之人角其技無不聘貽而斂手曰是固幾于少陵者庸可爭乎乙亥丙子之交余與先生同客京師時姜編修西溟唐考功東江惠庶常研谿湯給事西厓查庶常襄重編修德尹侍講聲山楊編修顧木顧編修書宣王舍人赤抒吳給事西齋官貢士友鹿錢編修亮工及同邑孫中允松坪之十數公者皆方今詩人豪也唱酬往復官商相宣風雅互作而其間氣道力健足以追躡少陵者必推蒙泉無或異詞又數年先生辭官定陶梓其集問世而屬序于余余在諸公間最爲不材與下乘顧以游從之久各能道其所以然而特於蒙泉斯集作江河岱華觀非過也竊謂景文之學杜以其

紺寒亭詩集

二

形而蒙泉以其神形之肖者不離呼聲音笑貌而神之肖者淺之在氣體深之在情性一則求其似而人易見之一則不沾沾求似而識者自有得其深也西溟數公與向之獻吉仲默牧齋孟陽其言論之足爲輕重者吾不知後之視今爲何如而以蒙泉爲善學杜非余之私言也之數公之言也余特爲之絮量于景文氏而以爲猶有短長焉讀是集者當必能辨之同邑同學張雲章

欽

紺寒亭詩集總目錄

卷一

古今體詩一百四十一首

卷二

古今體詩八十六首

卷三

古今體詩一百三首

卷四

古今體詩一百十二首

卷五

古今體詩一百二十四首

紺寒亭詩集

總目錄

卷六

古今體詩一百十四首

卷七

古今體詩一百八十八首

卷八

古今體詩八十七首

卷九

古今體詩一百七首

卷十

古今體詩五十七首

紺寒亭詩集

紺寒亭詩集卷一 古今體詩一百四十一首

嘉定趙 俞著

渡太湖

晚泊橫塘橋理棹及平旦旭華映林霏白霧忽開幔未
觀湖蕩潏已見山秀爛掛席從胥口豁然耳目換四列
翠屏園中排青玉案嵐蟲龜鼉爭翔泳鳬鷺亂峯勢各
詭譎朝爽精彩煥莫釐空濛浮圓顆僅一蒜西山連馬
蹟雄傑力拒扞崩濤萬雷吼猛氣欲奔竄初疑三萬頃
函受乃如盥豈知林樾外風檣正浩汗倘欲恣遐矚凌
風跨碧漢

舟次葑門泛荷花蕩

紺寒亭詩集

卷一

柳菴廻塘似碧紗放舟落日具茶瓜溪鱗衝岸因跳子
陂藕穿田自作花水氣虛明山吐月秋風涼動客思家
遙知歸路重經此白荻丹楓雁影斜

泊湖心亭

幽意夙所愜輕橈破白蘋湖山如舊友魚鳥亦親人水
共秋容澹亭迎月色新樓臺百萬戶十里隔紅塵

遊靈隱宿祇園僧舍

山房水簾淨借我一孤眠石骨僧俱瘦園蔬味亦禪盃
中嶺外月夢裏竹間泉曉看滄溟日蒼茫盪紫烟

陸忠宣祠

忠憤遭時否昌言國史存元和佛骨表真不愧師門

岳忠武祠

檜樹芝生宋祚微將軍那許總戎機出師累捷身應死
與敵同讎事已非脫幘收時光聯動屬鏐賜後怒濤飛
孤忠願抱千秋恨不共斬王早見幾

于忠肅祠

孤臣奉國有心肝晁氏身危劉氏安靈武豈能虛主鬯
澶淵却得蚤回鑾計全宗社捐生易欲保功名震主難
金齒歸來要領在兩間浩氣是誰完

桐廬道中二絕

桐江天外落秋空峭壁崩崖一徑通西去四山嵐氣合
片帆飛入翠屏中

紺寒亭詩集

卷一

二

新涼睡思已清酣枕上疎簾月一彎夜半發船聞打鼓
多應夢裏失青山

登嚴子陵釣臺

危巖高漸漸清江流潄潄側足眄層霄雄勢壯蔚跂水
雪巖花凋淩嶒但石氣伐奇性所耽躡險色還悸左旣
獅豹蹲右亦熊虎踞厓前突怪峯削鐵擎雙臂陽岡瞰
莽蒼陰壑肅清闕長松舞蒼鬣谷底雲濤沸夕陽濕林
樾輕颺涼薄醉曩哲遺芳躅沉冥契道味不爲故人屈
綸竿有深意回眺微茫開淪淪漾漾寒翠

蘭谿縣中

乍得陰崖豁遙空縱目觀天青一鳥破樹碧四山橫村

塢炊烟直江城日色寒世途方偃仄寥廓若爲寬

水碓

鴻鈞運大化輪轉無終始二曜兩跳九四序一激矢造
物者何爲元氣實所使中古聖有作日杵出糠粃艮止
震上動人力詎他設物僞機巧熟飛輪乃以水築堤立
斗門迫令驚湍駛圍儀象天體地軸貫其裏穴石成窠
日春撞利牙齒關振互起伏一一取進止乍疑役鬼神
嚴若奉勅旨賃春索高價獲利且億秒何異賜銅山奴
隸皆金綺國帑不可盜盜者罪至死况乃益天工厥罰
當何擬巫陽告上帝六丁下遣視澆風還淳古機具務
立燬不見抱甕者先民有遺軌

紺寒亭詩集

卷一

三

古樟行同王子令貽賦 在衢州城東二十里

王子好奇如好色與余同年亦同癖俯探松壑聽飛湍
仰躡雲峯看危石夜行艤舟樟樹潭傳有古樟圍百尺
酒闌高興忽飛動天氣墨黑水慘碧鵲銜猿引扶掖行
崩崖仄徑僅容跼松明一照心魄驚寒口吐哆眼雙白
盤根疑將地軸翻迸土直使山腰坼颼颼風雨枝柯交
飽蝕雪霜皮膚磔其高撐突捎斗星其廣扶疎越阡陌
其大千夫曾翼蔽伏兵三千人于此其重九象當辟
易半空屈鐵勢倒垂到地未到俄騰擲老龍攫拿下胡
髯昂首衝天天爲孽北山蒼鶻不敢巢月一青牛見一
隻夜久僕人促歸舟恐有鬼神氣輝赫吁嗟乎大材難

用可若何何似孔明廟前柏樛桷豫章充棟梁零落江濱亦可惜我乃乾坤一腐儒子擬壇坫文章伯胡爲遽擬衣裘單萬里天涯同作客

江郎山

日行江山道不見江郎峯今朝山翠濕濛濛突見峯聳撐青穹注視不得徹顛頂一半已入晴雲封山腰盤屈路轉側中間白光一道流玉虹初疑突兀擎一柱忽見天矯騰雙龍聳身入雲斂鱗鬣似被天書上天宮北峰圓峙逞雄傑南峯琢削帖耳從巨靈欲露山骨瘦斧落劈作兩片銅中者脆薄泗濱磬琉璃滑澤經磨礱土豐下殺欲顛隤排冪直壓東海東其南一片相檣柱廻環

紺寒亭詩集

卷一

四

仙霞嶺

浙東山水天下無山行水行皆畫圖清湖舍船上幾輿漸從雲麓升天衢翠微挿漢漾芙蓉谷底矮山落殘珠排牆峭壁瞰清渠欲墮不墮萬丈餘怪石爭撐老愁胡怒倪毒龍掀髯鬚水石喧騰相齟齬歲部收奔騰十里氣未舒白雲瀾漫平林鋪遠近一抹水模糊岡巒變滅若亡通日高一露頭顱仙霞凸出疑天都羣峯朝拱列

四隅玉帛職貢殿陞趨仰瞻丹樓危巢居清窓不露雲氣俱通天一路箭栝如鑿級故作羊腸紆後者冠簪承履約白螳緣磨虱緣孺僕人驚瞿輿人喘息肩暫得憩精廬摩娑景物蘇喘吁簣簣萬畝松萬株雨浮黛色染衣裾風振天籟鳴笙竿吾觀此嶺真奧區窰嶺裂嶺作外郭大竿小竿捍門闔山坳平田土膏腴乳泉百道交灌輸栝栢可樵溪可漁萬山環抱若盤孟陋塞隘口一戶樞會稽太守昔上書一夫當關敵萬夫古人之言豈誣老諄自首逞狂愚東藩駭雅一孤雛憑陵險阻氣頗奮何乃百萬化為魚金書鐵券委泥塗狼籍都市飼狗豬犯順自古干天誅失計不在隄防疎我來七月大

紺寒亭詩集

卷一

五

大狙山風襲人山月孤山行不厭山崎嶇收拾煙景付鍾鑑蕩滌萬有歸太虛筆底清映水玉壺一爲此山洗此汚

溪聲

結廬何日住深山竹月松風相對閑却笑溪聲忙底事奔流偏欲到人間

黯淡灘

危石崩雲壓高江匹練拖波心潛伏脉峽口旋成渦船向厓間落山從柁底過此中忘世者雪月一漁蓑

詠物

盆盎東吳徧傳聞產七閩閨中帶露摘應說遠遊人前

紫暈檀心展華堂貯玉鉅心聞妙香者一榻對書牕

肪作羊脂白膏流瑪瑙紅蹉跎應自惜不敢怨秋風

以秋初到不及嘗

貴亦知龍種勻圓抱顆珠側生偏擅寵顛倒乞爲奴

白髮醉顏紅攜歸色笑融望雲增感愴不忍置懷中

齒頰輸崖蜜胡爲性所耽未知苦澁後可得望餘甘

味慙金橘甜香遜霜柑破離離密葉間空如五升大

聰紗映絲痕舒卷自朝昏豈有爭心在牆頭共雨喧

避暑亦佳哉濃陰數畝苔梗枻成大厦庇得後人來

長舌真尤物當年曾沼吳越王膽在口此味得嘗無

泥狀亦饒巖波行首尾銜旅人一借問可是北歸帆

新寒亭詩集

卷一

六

殺機曾此動名似忽驚聞相國原無意知卿未有勲

苗肥玉指長纖白一珠娘銀燭歡娛夜殷勤索郎

閩人種煙初出時曰煙苗又呼婦人曰珠娘

海錯雄南服名應占八州不能撐半壁豈爲入糟丘

射虎行

居人傳言郭有虎白晝咆哮出林莽將軍蜩毛鬚倒豎

遣吏發卒悉所部白羽長箭大黃弩皮作車茵肉治脯

虎見千人若無覩千人驚顧色如土箭未脫弦弩折弣

虎起攫人如捕鼠突出圍場公然去當今四海樂昇平

軍士逍遙無什伍將軍錦裘玉帶醉聽趨胡爲輕料虎

鬚逐虎怒從今軍府耀威武只射平民莫射虎

舟泊洪山橋口占

荔枝熟後卸征鞍暫眠楓林又染丹江月漸如人面冷

海天未比客舟寬平津龍氣沉雙劍富渚羊裘釣一竿

名勝都收圖畫裏溪山莫作倦游看

聞鷓鴣

月照霜華石磴危鉤輻苦怨客歸遲故鄉亦是驚魂地

只恐山禽也未知

舟行次竹椅從農家購得盆蘭二架

名種稱魚魇花色白土人貴之相尋野老家輕裝小艇子疎影

隔燈花直豈兼金惜歸嫌破屋奢竹廳同作供還覓武

夸茶

新寒亭詩集

卷一

七

其二

護惜真成癖忙因好事增從興愁度嶺水檻怯層水吟

賞宵眠廢清寒僕意憎南中知已少千里挈良朋

汎南浦浦城縣南江淹有遺蹟

繡嶺夾清渠秋容畫不如霜林紅照野天水碧涵虛別

賦魂銷處孤城血戰餘醉歸忘日暮月色到前除

通籍

通籍何妨歲月淹人間榮利頗能恬蒼松白雪寒中豔

青千紅鹽澁後甜佳句耽吟還是病好山貪看未爲廉

北燕南粵憑遊賞造物應知不我嫌

酒後聽侍史按歌

夜泊寒汀酒易醒燈前人出試娉婷驚黃漸滑聲初曉
鴈柱輕調拍乍停江浸一天涼月白曲終兩岸遠峯青
主人應是千金惜怕有魚龍水次聽

宮詞六首

吳宮

霸業銷沉絲管中屬鏤血射舞衣紅浣紗人伴鴉飛去
不共君王老甬東

漢宮

紫臺一去亦何辭莫爲和戎惱畫師若比夫差雙歌舞
五湖正好載西施

晉宮

紺寒亭詩集

卷一

八

掖庭斜月上腮紗夢斷鴛鴦冷臂砂誰道城南小史入
不須竹葉引羊車

齊宮

內家妝束小弓鞋銀鐙金蓮兩瓣開烽火亂傳君莫信
周人也爲打圍來

隋宮

朱雀門開萬騎譁臨春風折後庭花小金合子同心勝
別有宣華似麗華

唐宮

野鹿銜花別院春華清浴罷玉無塵沉香夜半來生誓
牛女無言冷笑人

咏史 六首

龐氏夫共鹿羣雄互吞齧沛公本強人任使何英決炎
威赫絕張西楚遂灰滅盛項真殊勲鍾室殷流血身雖
被菹醢功亦歸三傑

秦趙會池池相如稱勇智秦已無邯鄲趙亦嚴兵備
秦五雄長計實同兒戲何不講戰守乃以人國試留侯
赴鴻門此亦行危事項莊劍已拔亞父玦屢示間道馳
軍中幸值驪龍睡輕兵躡其尾寧不遭顛覆不聞楚懷
王沒身爲秦質

虞氏昔富樂高樓鳴歌鐘犀筋饜玉饌縷切鸞刀紅金
綺耀朝旭賓友氣如虹豈知腐鼠墮俠客髮怒衝毒憤

紺寒亭詩集

卷一

九

恣所浪歡宴未及終非有睚眦霧胡爲怨咎叢人生有
遠慮禍患百交攻灌園擷露葵旨蓄可御冬冲然明淡
素亦以保厥躬

侯生隱抱關朱亥鼓屠刀車騎雖貶損風義亦已高一
朝赴急難殞身如拔毛壯烈夙所激兩者皆人豪士不
遇知己毋寧死蓬蒿

王季營宅兆湍水蝕前和臣民得縱觀改卜崇山阿祖
龍錮三泉水銀注江河冶金成鳧鴈設械森矛戈亡羊
俄失火白骨撐嵯峨雄猜及工匠其如牧豎何君子務
明德不在智數多
符堅任景畧國柄一以委昭烈有孔明譬猶魚得水漢

鼎方艷疏猛半道死大業倘垂成尤霧將是在是福毋
變姓名吾愛賜夷子

同歸孟遊朱方廣周文長登靈巖

徑轉山腰似鹿盧老僧指點一浮屠天圍嵐氣青疑逼
樹杪湖光白欲無金粉夢沉香骨冷鐘魚人定月輪孤
梅花有約穿雲去十里登臨不用扶

如舟亭卽事東大年漢瞻諸子

蓋倚茅亭傍古桐簷廊迴疊牖玲瓏夜看水月當三面
旁許風簾占一弓試茗泉分春沼碧讀書燈映遠村紅
扁舟出郭能相訪麥隴平橋萬柳中

同陳穎長張漢瞻盧素公北園看梅

耕寒亭詩集

卷一

十

過雨烟光潑眼新城坊閑却一圍春當門老樹如迎客
映竹橫枝亦可人雪後已教吟興動月中應與夢魂親
村莊水次年年發對此低徊一愴神

再同諸子北園看梅是日遇雨

虛堂敞處萬花深濕翠微茫落遠岑黯黯香從盃底度
垂垂白向雨中沉春遲猶覺三分在興到都忘百感侵
勝地明朝還結伴東風一爲破輕陰

題盧素公擊蛟圖

出匣光鉞照水寒老湫從此得安瀾南山尚有於菟在
莫便藏刀袖手看

何須長劍倚空峒下筆雄文氣似虹不見潮州韓刺史

鯢魚遠徙惡溪空

遊秦園雨阻不能上載泉以歸得詩二首

一望蒼茫裏名園在上層嵐光濃欲染雨氣潤如蒸放
艇逢茲願觀泉記昔曾水符原可調寄語問山僧
兄味風塵外甘寒稱此清懸巖千尺瀉餉友一甌輕雲
壑澄詩骨松牕煮月明建溪春色好活火試新鎗

同年張韋存約登金山不果

山水平生嗜登臨亦有綠帆輕過似鳥寺近遠于天極
目毫芒入孤吟想像懸故人珍重約千里意悽然

丹陽道中卽事

柔艣輕鷗浩蕩隨水牕野色望中移鄰船北去如奔馬

耕寒亭詩集

卷一

士

他是風帆正飽時

展閱楊忠愍公題龔梅軒畫梅詩卷有作

展卷龍蛇鱗鬣張驚翻風雨撼書堂毫端勁氣猶衝髮
獄底孤臣正褻創國步艱難成壯烈交情生死重悲涼
鈴山亦有遺文在光燄于今幾許長

不隨桃李鬪妍芳却伴椒山水一方未得春回雷鬱怒

恰如人淡月微茫松筠世外水霜契翰墨家傳鐵石香

元氣栽培留奕葉孫枝秀已向朝陽

椒山先生劾相嵩下于理知已畏禍及無敢省視者
時蘇門龔梅軒官秋曹獨左右之梅軒有畫梅卷先
生爲題長句辭旨激楚筆勢飛動覺廣平一賦猶屬

英雄氣少也名賢續題遂成三巨卷丙寅冬客大梁
梅軒之孫成都守渭公出以示余爲題其簡末如右

夜步庭中有述

攤書擁敝裘油燈暈成暈霜氣砭肌骨慘白驚戶隔起
視天宇澄疎星如散豆南箕舌已哆復孤矢擬殺大者
儼當尊小者類犖幼芒角各奮張其勢欲戰關墜蟲縮
菌蠢宿鳥忽鳴雉嗟余病悻人毛焦面生皺自顧見類
類怪此孤鶴瘦側聞秦隴間黍稻失耕耨斗水宜嬰孩
戴豁飽豺獸奈何豪貴家忍使酒肉臭恣橫或湛族驕
奢亦召寇殃禍人所致務宜塞其竇三吳今奧區降割
焉可又明明 聖天子八荒皆在宥發粟賑邊鄙飢溺
引已咎妖墓診久消格澤行可候甌生直愚駭長夜憂
天漏高枕酣宴暇日色下檐霑

渡江

倦客征帆破曉歸江風作雨襲人衣驚濤如屋連空動
濕翠迎船夾岸飛世難翻疑此地穩秋光其奈客情非
何時許臥公孫里所居上籬團圞蟹正肥

江行見牧童

短篷橫吹午餉餘當年吾亦把犁鋤羨君一覺高眠穩
兩角彎環少漢書

重遊長興題金蓮塔院

回首三年跡未陳山環睥睨塔嶙峋寺僧仍掃維摩室

旅客重探罨畫春絡樹紫藤花作幔護巢白鶴翅如輪
烟光不厭兼旬賞况是逢迎有主人

留別長興令同年任萊源

僦令風流天下聞周旋義舊亦殷勤才教名紙通津吏
許並肩與看嶺雲細酌簷花燈下落新茶紗帽雨前分
紗帽更界政成指日鷄行裏可憶煙波鷗鷺羣

誠子詩

三雛咄來前長跽吾語爾人生具支體同此口鼻耳或
爲雲中螭風霆供役使或爲井底蛙顛顛顛泥滓騰變
須臾問所仗惟書史吾家負郭田不能辦薪水此外無
長物鑽研有故紙六經重溫煇根底在四子餘編鱗次

紺寒亭詩集

卷一

十三

陳丘明司馬氏汎濫靡津涯量力聽所止展對肩稜重
欠伸口哇嗟如人啖橄欖苦澁澁牙齒旋旋甘芳回舌
齟齬餘美斑駁披奇趣與窺窺妙理江峰嵐氣青大海
波瀾紫曉讀鷄催曙夜讀燈弄篆簷月漏秋影圍英敷
春藹莓皆驟雨鳴竹屋密雪委一一發天趣琅琅嚼官
微醞釀茁萌芽簞場去糠粃下筆驚瀾翻吐辭脫凡鄙
朝家右科日轉眼當大比爾淑已十九爾舒又踰二資
地苦魯鈍學業多廢弛大者耕石田爾裴焉足嘗兒曹
日鹿鹿令我心胸痞宵眠不交睫當食忽投匕各各大
猛省頑石可就砥鷄鷄化鷄鷄橘柚爲枸枳物稟有定
分好醜任轉徙何乃自頽惰甘此不才譏莫美輕俠兒

身首纒繞綺肥澤白如瓠吾視猶罔豕彭亨與股腸參
養守一死志趣慎旁歧去此恐近彼譬彼投五木轉躍
方未已苟不厲聲呼求盧乃得雉汝孃眼昏花縫紉迷
尺咫阿爺困公車蹉跎偏四紀大父春秋高侍奉缺甘
旨爲學希聖賢豈徒獵應仕家貧圖祿養一念難憂喜
婚嫁正糾紛從甲數至癸放船煙濤中茫茫何日艤筋
力未就衰歲月弩激矢鴈鴛萍鉛刀剗割志一擬汝曹
不早奮忍待流光駛咄爾兩豚犬庸虛厠多士三年兩
校閱能不慮三禩果贏負螟蛉伊嚶求肖已恰恰羽翼
生宛宛鬚眉似精誠感異類別爾屬毛裏人稟五行秀
而不如虫豸歸家行料檢學詩當問鯉失簡若伯魯杖

紺寒亭詩集

卷一

十四

痕捫瘡痂昔人譽兒瘠曾聞王福時吾寧便老許偏此
務詆毀他年撞烟樓志願此畢矣爾父實涼薄祖德或
可恃作詩忘漏殘長庚爛階几

孝子唐惠疇毖誓母後明而邑乘不入尋行傳可
慨也以韻語紀其畧庶後之觀人風者有采焉
東郭有孝子曰唐惠疇氏阜比升都講脯脰充脩灑頭
須半蒼艾色養嬰兒似母老忽天書不能辨尺咫扶持
與抑搔一一煩護理屏人滌厠膾不敢委小婢鍼砭百
無功所患未良已極哀叩北斗一夜臥十起禍祟出宿
因代母願以已雙膝徧生胼尻高首至底如此積懇苦
黃衣見指示華泉一勺許甘寒爾齟齬鬼神事怪迂厥

夢有根底祇目目忽開雙瞳仍剪水日月再光華承歡
近一紀昔聞盛氏妻瘠蟻雜餅餌沉痾雖倖瘥薰瘴豈
匹擬精誠貫金石實乃神所使此事遺邑乘無徵類宋
杞當年載筆者顛倒任臧否角鴟爲孝烏破鏡稱麟趾
送米得佳傳陳壽寧信史抑亦網羅疎顧此反失彼當
今開石渠編纂奉勅旨孝義首所重豈曰遺閭里以此
上史館榮蔭及桑梓大書炳丹青末俗庶可砥

雙節詩

爲座主刑部侍郎建安公而專人作

皇帝御極臨萬幾六官皆得職百工亦允釐惟時建安
公歷階股肱耳目司 帝曰惟汝賢予其寵嘉之公拜
稽首言臣職臣所治願臣何以圖報塞戒飭皆自先臣

紺寒亭詩集

卷一

十五

詒臣今奉職無廢墜尺寸稟承臣敢遵臣父有學行束
修圭璧無玷虧漱滌六藝窺聖涯抱質懷文蓄未施臣
母有聞德肅庀家政通書詩出入稟教督勗與古賢齊
宋臣有王曾溫飽所羞爲又有范仲淹憂樂不以私臣
父臣母訓終身以爲歸痛臣邁閔凶盡室及顛隤迄今
逼四紀圻裂焦府摧肝脾憶昔 王師下南陲赫濯不
用天戈麾狂寇張僞幟官軍築長圍變故起倉卒匪云
蹈危機困獸思格鬪鋒刃靡孑遺盜賊不足死苟免亦
可嗤積薪命縱火肯受賊屠刳臣父含笑入父唱母亦
隨遺言飭戒臣努力支門楣汝負環瑋器汝挺廊廟姿
夙夜勵匪躬風人美素絲吁嗟乎杜鵑冤號常帶血夢

我廢讀銜餘悲臣願踵頂効捐糜臣若偷情先臣欺再
拜再稽首仰見 天顏怡汝汰官方濁汝刷臺綱纂汝
貳秋曹長左右咸具宜汝學有根源父訓亦母儀汝世
有大節予其可弗知所司誥贈如其官龍章鳳篆封紫
泥穹碑屬屬高百尺大書深刻蟠蛟螭當日義心成苦
調今茲雲爛星日輝既爲節烈勸亦留忠孝規請下太
常付史館欲徵信者視此辭

又

世德名賢出時艱抗志存從容輕鼎鑊剛大塞乾坤今
古成雙節綱常在一門簡編長照耀譜牒見淵源曩代
忠貞篤家風儒術尊先世平苗劉有功又有純明資地與謝疊山先生齊名者

紺寒亭詩集

卷一

十六

厚孝友性天惇癡聲還羞疊簾吹總叶垣六經窺突爰
十畝卜丘園領畧溪山秀包羅星宿繁上宗千聖學自
立一家言北極初環拱南州列外藩車書歸正朔烽火
徹邊屯蠹爾頑民梗依然漲海翻蜀兵燒棧閣邕寇斷
崑崙竊據鯨鯢窟旁鈔鷄大村竺維紐械珪組亦鉗
髡不是危邦入非無義旅援參苓藥裏便松竹草堂蓄
鷗鷺軍聲合貌貅勇氣吞何由生羽翮無計出籠樊桀
逆魚遊釜猖狂虎決蹠烟腥骸入甕水赤井無胥君子
寧由寶完人豈喪元少君躬恤餉中饋職蘋蘩同日捐
軀烈登樓盡室燔從夫成婦順教子荅君恩琬琰繩前
史稱纓屬後昆柏臺風肅穆棘木獄平反廳事難容馬

鼎烹不染龜宋臣箴可佩滂母訓曾敦大夫人每以王
龜誠格同寅協才長簡畀頌金花腐寵錫碧血慰忠魂
次第登三事哀榮貴九原武夷高作鎮劍浦束如齋與
此長流峙千秋共討論

中秋同年鄭禹梅戶部貽書枉訊惠葡萄月餅奉
詩二律兼柬同年杜斐君中翰

故人珍重慰平安白絹封題墨未乾萬顆驪珠驚燦爛
半空蟾魄共團圓充廚絕勝枕椰麤作供寒添苜蓿盤
但恐先生月俸減囊中可剩一錢看

大比金相滑似酥江南此味未全無水邊閣架藤初引
隴上腰鎌麥乍枯客邸驚心時物換秋風回首故園蕪

紺寒亭詩集

卷一

十七

解憂杜酒能相勸爲寄鄂筒滿眼酤

戶部來詩有果餅賺來詩律細之句復成二絕

詩鈞先生誇得采筆耕我亦未全輸賣文已倍長門價
十餅黃金一斛珠

亦欲文章開戶牖未能聲病較錙銖低頭東野慙知己
敢道他人得我籠

小園竹樹秀野可愛客中輒憶情見乎詞

何日賦言旋村園樂靜便小庭樹老大古屋竹嬋娟籬
籬隣哇過藤花木杪懸山妻宜北望頻到板橋邊

陸子稚水倦游不能治裝九月著單苧衫爲作芋
衫歌二首

白苧單衫熨貼勻六街幸未染緇塵妾其不爲秋風別戀汝殷勤似故人

九月燕臺木葉飛霜華拂袖爛生輝公卿莫解金貂換珍重山人一白衣

以維水客况聞之徐比部章仲遂有兼金之餽爲賦此

無計冬裘辦木棉日高猶擁舊青氈知交輩下多名輩特爲先生選一錢

同年張寄亭葉淵發二編修爲維水治裝又作少府支錢有幾何晨餐未許爛蒸鵝只緣友誼綈袍重

添得儒官債券多

緝寒亭詩集

卷一

六

大風陡作寓舍紙格皆裂聊短述

昨夜天邊暈已生今朝林際旭初迎奔騰陡作崩崖勢霹靂俄聞裂帛聲鄰樹葉添土銼暖屋梁月漏紙牕明還愁聒耳秋宵永客枕淒清夢易驚

漫興東同年項鳴先

不作蝸涎壁上枯隨波信似水中鳧字曾生續終爲福維若成虛豈待呼布被秋溫假暖玉釜糜午餉飽餐珠朝來訪友尋詩外搔首青天一事無

荒圃雜憶

露重枝應亞臆虛影已交龍孫新解籜可過舊時梢竹髮揮還教惜鹿枝恐不堪秋霜百卉謝留取晚香酣桂

他年五株樹產得茯苓無皮作龍鱗老何心拜大夫松佳氣漸冲融書齋已送窮明春穀雨看色比去年紅壯君稱輔相材却置少城隈芍藥二叢獨在南城小處中不使花王近何時貶謫來芍藥

翠蓋擎紅日芳根比白圭濂溪周夫子知道不沾泥荷衆艸亂墻塢休教臭味滑雪霜摧折盡不忍化爲茅蕝無語淡秋容籬邊三徑封遊人攜酒過只看木芙蓉菊歲歲艸堂依飄零故壘非明年春社蚤可共主人歸燕銀鉤鬱綠白刀魚帶子黃寧知北客苦入口貴于羊魚池

寄內

貧易催人老應增兩鬢星官租釵釧盡市粬米鹽零夜

緝寒亭詩集

卷一

九

火縫衣線晨冰汲井甌遠人無可慰子含望添丁時有孫

示兒子

子姓燈難續爺名籍已除魚緣失火及卵是破巢餘鵝鴨防鄰惱垣牆有物狙村莊守耕讀十畝帶經鋤物以剛先缺身因拙故存席宜野老讓顏爲債家溫檐旭烘茅屋廚香爛菜根飽傳先業在不復望高門

九日同年戴永開房湘崖石五中琉璃版登高

房石二年兄留飲寓齋同席凡七人分韻得官字七賢吟社共登壇九日臨風各正冠帝闕遙瞻五色鳳山人長嘯半空驚詩城破險如降敵酒政分曹亦得官

不是佳辰開勝賞愁中歲月若爲寬

疊前韻二首

同上崔魏舊築壇蕭瑟短髮不勝冠籍中亡命悲張儉
廡下依人笑伯鸞敢信茱萸能鎮惡未嘗尊茶已休官
他鄉慰藉逢知己對酒看花強自寬

敢題鸚鵡擅詞壇野性疎慵或不冠愧我雙蹄難附驥
看君百里整棲鸞幸蒙齒錄隨先輩唐人稱同輩却免腰
驚謁上官家去綠鬟浮釣艇烟波萬頃五湖寬

再疊前韻二首

丹梯躡處近天壇布襪棕鞋笋簾冠奉引未騎沙苑馬
游仙思跨女牀鸞安希窮老成詩伯翻悔追隨上禮官

紺寒亭詩集

卷一

干

禽鹿不堪珪組繫嵇康還乞故人寬

風高旗颭石仙壇此日登臨脫楚冠滅頂慘同沉白馬
煎膠禍忽及青鸞匡圍誼合從尼父獄祭終無拜李官
黃菊丹楓猶領畧聖朝法網尚爲寬

詠史八首

十萬蠻臚出蜀江旌旗照耀戟磨撞只憑鐵鎖當強敵
忽報城頭已送降

休將一飯結王孫非爲壺殮便報恩豫讓殺身緣底事
當時吞炭不能言

豈是輕生等一毛域中名義不能逃當庭慷慨陳詞切
願赦張敖坐貫高

七尺微軀一劍酬侯生慷慨更何求須知車騎謙恭意
不得君頭亦不休

蹴躡曾經洞口行洞中寒玉落楸枰樵夫只怪樵柯爛
局內誰知有鬪爭

功成自是禍機藏況是無功豈責償六百商於割六里
秦王未負楚懷王

危計能令社稷安手提匕首髮衝冠荆卿自分身菹醢
不說燕王太子丹

感激當年國士收低昂殊愧一蒼頭平時受得千金賞
賣王還封不義侯

感遇

紺寒亭詩集

卷一

壬

鹿性耽野逸鴻志適寥廓置羅忽抵觸肌體俄焦灼本
無絲粟爭胡乃刀俎虐百年終有盡一死良不惡尸旣
裹牛衣勲亦上麟閣平生微尚存愧不古賢若豈惜頂
踵糜敢臨鼎鑊却誰爲發機牙旣已入彀箭去時水波
寒歸日節毛落聶政腸自屠漸離目空矐崢嶸凌寒松
掃葉等秋籜此意何終窮無言對冥漠

吳牛行

南竹育吳牛不中天廟犧枯腸支葉薦土花蝕毛衣西
鄰見之歎得此悔已遲贖之麥一斛飼以屑豆糜主人
殷勤前致辭膚革堅緻無瘡痍我家春社缺秧鼓汝勿
穀棘厝汝皮吳牛老淚如綆縻阮承頤吟恩制制任所

爲所痛生三犢食未知飽餒一朝忽棄捐坐此摧肝脾
吳牛不願主人特達知但願負轅老死犁此坂田泥

憶昔

良夜西園飛蓋隨輕明簾箔闌腰肢口香暗還金尊度
心事偷傳絳蠟知春上海棠添萼舊漏沉寶帳落葳蕤
舞衣歌扇今何在夢裏歡娛覺後疑

湘崖五中招同潘書源賞菊宿寓齋限韻得花字

客到迴空騎庭昏有暮鴉清言精似子韵語淡如花酒
後旗槍闌燈前屢舄加支願俄失曉應日已蒸霞

不寐

衆籟于喁萬木凋霜天孤枕黯魂銷敲殘客髮驚嚴鼓

紉寒亭詩集

卷一

三

吹出雄心有洞簫白酒鄰缸香透壁黃精山雪凍無苗
晨餐未辦還慵起恍惚吟鞍上灞橋

得家信

鄉書如警檄未易得平安不敢人前拆挑燈背地看

觀物二首

天寒水成冰水暖冰亦潰人見水已消不知水故在見
水不見水昧者觀其外達士契元化胸臆留室礙富貴
雲烟空生死晝夜代縣象固其常薄蝕了不害下以得
故欣不以涕致慨中有真宰存刁調皆天籟莊周齊萬
物此意悠然會

龍騰薄九霄然以有欲累虎威惕百獸乃爲食已癩秋

蟬飲葉露遠死在高寄箔垂飼園桑近人故學文種
亦奇才不如范蠡智子房受食邑將爲漢高制禍迫豈
能逃君子慎其始

同諸子過吳幼日編修齋頭看菊

連朝花社集復此酒徒偕露氣澄初夕寒香散一齋王
賢耽野趣客賞動秋懷泥飲難言別微醺亦復佳

出塞入塞歌

爲北平吳銳卷母汪夫人作

汪夫人侯門婦戚晚孫俊如翻風鶻警如騰木猿弓弦
霹靂箭入雲能騎生馬將一軍良人官誥有功勲一朝
坐事謫沙海吏卒操兵夜到門主人束縛如蟠蛇婦驚
跟踉脚不穩哭聲撼天天爲昏夫人從容擲機杼部署

紉寒亭詩集

卷一

三

家事食頃許纖悉不遺一銖黍白飯青芻已夙戒黎明
登車驟風雨長跪告夫君慎勿憂遠也行且生入塞慰
此離別魂上帝九關虎豹尊伏闕上書詞酸辛臣妾某
氏臣某妻臣妾萬死昧死聞願領家財充營繕贖某兄
弟骸骨歸中原天子哀之制曰可便指鞭梢向遼左黃
塵百丈連車畏馬首駢駢知是郵僵臥車茵最後來皮
作栗皴骨枯柴悲嘶腸已斷歡笑俄轟雷置酒張筵衆
樂作銀燭金疊射錦幕座中哀絳白雪飛燈前衰淚紅
水落今夕何夕是耶非耶離合悲歡豈夢噩人生最苦
是生離不是生離無此樂家破會無僮石儲蠹大危樓
成頂更填簷既式好琴瑟終調娛白首團圓二十年自